

## INFORME DE INTERVENCIÓN

### ASUNTO: LIQUIDACIÓN DO ORZAMENTO DO EXERCICIO 2014.

Unha vez confeccionada a liquidación do orzamento do exercicio 2014, no cumprimento do artigo 191.3 do Real decreto lexislativo 2/2004, polo que se aproba o Texto refundido da Lei reguladora das facendas locais e do artigo 90 do Real decreto 500/90, polo que se desenvolve o capítulo I do Título VI da devandita Lei, esta Intervención emite o seguinte **INFORME**:

#### 1.- Normativa de aplicación.

- Lei 7/85, de 2 de abril, reguladora de bases de réxime local (LBRL).
- Real decreto lexislativo 2/2004, de 5 de marzo, polo que se aproba o Texto refundido da Lei reguladora das facendas locais (TRLFL).
- Real Decreto 500/1990, de 20 de abril, polo que se aproba o Regulamento orzamentario (RO), que se desenvolve o capítulo I do Título VI da devandita Lei.
- Lei orgánica 2/2012, de 27 de abril, de estabilidade orzamentaria e sostibilidade financeira.
- Real decreto 1463/2007, polo que se aproba o regulamento de desenvolvemento da Lei de estabilidade orzamentaria, na súa aplicación ás entidades locais (RLXEO).
- RD 939/2005, de 29 de xullo, polo que se aproba o regulamento xeral de recadación (RXR).
- Orden EHA/3565/2008, de 3 de decembro, pola que se aproba a estrutura dos orzamentos das entidades locais
- Orden EHA/4041/2004, de 23 de novembro, pola que se aproba a instrución do modelo normal de contabilidade local.
- Orde HAP/2105/2012, de 1 de outubro, pola que se desenvolven as obrigas de subministración de información previstas na Lei orgánica 2/2012, de 27 de abril, de estabilidade orzamentaria e sostibilidade financeira.

#### 2.- Concepto e procedemento de aprobación.

A liquidación determina o grao de execución do orzamento, mediante a comparación dos gastos e dos ingresos efectivamente realizados e os créditos e as previsións inicialmente consignados, determinando unha serie de magnitudes que miden o grao de saneamento financeiro do Concello.

Así o sinala o artigo 93 do RD 500/90, que literalmente di:

“1.- A liquidación do orzamento porá de manifesto:

- a) Respecto do orzamento de gastos, e para cada partida orzamentaria, os créditos iniciais, as súas modificacións e os créditos definitivos, os gastos autorizados e comprometidos, as obrigas recoñecidas, os pagos ordenados e os pagos realizados.
- b) Respecto do orzamento de ingresos, e para cada concepto, as previsións iniciais, as súas modificacións e as previsións definitivas, os dereitos recoñecidos e anulados así como os recadados netos.

2.- Coma consecuencia da liquidación do orzamento, se deberán determinar:

- a) Os dereitos pendentes de cobro e obrigas pendentes de pago a 31 de decembro.
- b) O resultado orzamentario do exercicio.
- c) Os remanentes de crédito.
- d) O remanente de tesourería”.

A aplicación contable adquirida polo Concello de Noia non facilita os gastos autorizados, o resto da información sinalada polo Regulamento transcrito, se recolle, a nivel de partida e de concepto.

Unha vez confeccionados os estados demostrativos, a aprobación da liquidación corresponde ao alcalde (artigo 191.3 do TRLFL), previo informe de Intervención. Unha vez aprobada, se dará conta ao Pleno da Corporación, na primeira sesión que se celebre (artigo 90 do RO). Así mesmo, deberase remitir unha copia ao Consello de Contas e á Dirección Xeral de Coordinación coas Facendas Locais da Delegación Provincial de Economía e Facenda e ao Ministerio de Facenda e Administracións Públicas, tal e coma sinala a Orde HAP/2105/2012, de 1 de outubro.

### 3.- Orzamento de 2014: modificacións orzamentarias e resumo da execución do orzamento.

Durante unha parte do exercicio 2014 estivo vixente o orzamento aprobado para o exercicio 2012, que xa estivera prorrogado durante o 2013, tras a aprobación dos axustes á baixa que se determinan conforme ao artigo 21 do RD 500/90, polo que se aproba o regulamento orzamentario; mais o 20 de maio de 2014 publicouse a aprobación definitiva do orzamento para o exercicio.

Non obstante, durante o exercicio tramitáronse numerosas modificacións coa finalidade de adaptar a prórroga á evolución da execución orzamentaria; tales modificacións teñen o seguinte detalle:

- As modificacións cuantitativas (que provocan o incremento do orzamento) ascenderon a un total 3.140.653,61 €. Entre as modificacións cuantitativas, se atopan os seguintes expedientes: catro expedientes de incorporación de remanentes de crédito procedentes de exercicios pechados, cun importe de 871.602,31 €; tramitáronse vinte e cinco expedientes de xeración de crédito por importe de 593.461,75 €; dous créditos extraordinarios por importe de 1.675.589,55 €. Mentres que a competencia para a aprobación dos suplementos de crédito e do crédito extraordinario recae sobre o Pleno, a das incorporacións de remanentes de crédito e as xeracións recae sobre o alcalde.
- Tramitáronse cincuenta e oito modificacións cualitativas (isto é, aquelas que comportan unha modificación da finalidade do gasto, sen incidencia cuantitativa), por un total de 288.873,71 €, sendo coincidentes as cantidades incrementadas e as diminuídas. O órgano competente para a aprobación da integridade das transferencias foi o alcalde, na medida en que a transferencia afecta a partidas da mesma área de gasto ou a partidas de persoal (capítulo 1).

Nos seguintes cadros recóllese o resumo da execución orzamentaria de gastos e ingresos:

a.- Gastos:

CAPÍTULO	TEXTO	CRÉD. INICIAL	CRÉD. DEF.	OBRIGAS REC.
Capítulo 1	Gastos de persoal	4.505.469,06	4.508.467,55	4.189.245,16
Capítulo 2	Bens correntes e servizos	3.170.781,74	3.237.226,30	2.934.051,63
Capítulo 3	Gastos financeiros	0,00	600,00	439,16
Capítulo 4	Transferencias correntes	994.327,67	990.825,01	955.784,26
<b>TOTAL GASTOS CORRENTES</b>		<b>8.670.578,47</b>	<b>8.737.118,86</b>	<b>8.079.520,21</b>
Capítulo 6	Investimentos reais	1.164.119,19	4.190.499,32	1.734.296,61
Capítulo 7	Transferencias de capital	18.000,00	65.733,09	65.733,09
<b>TOTAL GASTOS NON FINANCIEROS</b>		<b>9.852.697,66</b>	<b>12.993.351,27</b>	<b>9.879.549,91</b>
Capítulo 8	Activos financeiros	96.161,94	96.161,94	44.971,90
Capítulo 9	Pasivos financeiros	0,00	0,00	0,00
<b>TOTAL GASTOS FINANCIEROS</b>		<b>96.161,94</b>	<b>96.161,94</b>	<b>44.971,90</b>
<b>TOTAL GASTOS DE CAPITAL</b>		<b>1.278.281,13</b>	<b>4.352.394,35</b>	<b>1.845.001,60</b>
<b>TOTAL ORZAMENTO</b>		<b>9.948.859,60</b>	<b>13.089.513,21</b>	<b>9.924.521,81</b>

b.- Ingresos:

CAPÍTULO	TEXTO	PREV. INICIAIS	PREV. DEF.	DEREITOS REC NETOS
Capítulo 1	Impostos directos	3.389.729,00	3.389.729,00	3.301.502,11
Capítulo 2	Impostos indirectos	82.247,00	82.247,00	143.523,46
Capítulo 3	Taxas, prezos públicos e outros ingresos	2.258.798,00	2.258.798,00	2.432.526,39
Capítulo 4	Transferencias correntes	3.591.051,09	3.780.691,24	3.903.934,87
Capítulo 5	Ingresos patrimoniais	20.690,61	20.690,61	23.589,17
<b>TOTAL INGRESOS CORRENTES NON FINANCIEROS</b>		<b>9.342.515,70</b>	<b>9.532.155,85</b>	<b>9.805.076,00</b>
Capítulo 6	Alleamento de investimentos reais	0,00	0,00	0,00
Capítulo 7	Transferencias de capital	542.343,90	1.381.115,00	599.139,12
<b>TOTAL INGRESOS DE CAPITAL NON FINANCIEROS</b>		<b>542.343,90</b>	<b>1.381.115,00</b>	<b>599.139,12</b>
<b>TOTAL INGRESOS NON FINANCIEROS</b>		<b>9.884.859,60</b>	<b>10.913.270,85</b>	<b>10.404.215,12</b>
Capítulo 8	Activos financeiros*	64.000,00	64.000,00	44.502,81
Capítulo 9	Pasivos financeiros	0,00	0,00	0,00
<b>TOTAL INGRESOS FINANCIEROS</b>		<b>64.000,00</b>	<b>64.000,00</b>	<b>44.502,81</b>
<b>TOTAL</b>		<b>9.948.859,60</b>	<b>10.977.270,85</b>	<b>10.448.717,93</b>

\* As previsións definitivas dos activos financeiros están corrixidas polo importe do remanente de tesourería utilizado (2.112.242,36 €) sobre o que non se recoñecen dereitos, coa finalidade de que se poda analizar a execución real do orzamento.

A diferenza existente entre os créditos definitivos e os iniciais coincide coa diferenza existente entre as previsións definitivas e as iniciais, sumando o remanente de tesourería, o que permite afirmar que todas as modificacións orzamentarias respectan o equilibrio orzamentario, circunstancia que se confirma por esta Intervención no momento da fiscalización de cada unha das modificacións.

#### 4.- Execución do orzamento de gastos.

Analízanse nos seguintes cadros, as porcentaxes de execución de cada un dos capítulos en función das obrigas recoñecidas.

CAPÍTULO	TEXTO	CRÉD. DEF.	OBRIGAS REC.	% EXECUCIÓN
Capítulo 1	Gastos de persoal	4.508.467,55	4.189.245,16	92,92%
Capítulo 2	Bens correntes e servizos	3.237.226,30	2.934.051,63	90,63%
Capítulo 3	Gastos financeiros	600,00	439,16	73,19%
Capítulo 4	Transferencias correntes	990.825,01	955.784,26	96,46%
<b>TOTAL GASTOS CORRENTES</b>		<b>8.737.118,86</b>	<b>8.079.520,21</b>	<b>92,47%</b>
Capítulo 6	Investimentos reais	4.190.499,32	1.734.296,61	41,39%
Capítulo 7	Transferencias de capital	65.733,09	65.733,09	100,00%
<b>TOTAL GASTOS NON FINANCIEROS</b>		<b>12.993.351,27</b>	<b>9.879.549,91</b>	<b>76,04%</b>
Capítulo 8	Activos financeiros	96.161,94	44.971,90	46,77%
Capítulo 9	Pasivos financeiros	0,00	0,00	0,00%
<b>TOTAL GASTOS FINANCIEROS</b>		<b>96.161,94</b>	<b>44.971,90</b>	<b>46,77%</b>
<b>TOTAL GASTOS DE CAPITAL</b>		<b>4.352.394,35</b>	<b>1.845.001,60</b>	<b>42,39%</b>
<b>TOTAL ORZAMENTO</b>		<b>13.089.513,21</b>	<b>9.924.521,81</b>	<b>75,82%</b>

Achégase igualmente, o resumo da execución por áreas de gasto para o seu análise:

ÁREA DE GASTO	POLÍTICA DE GASTO	TEXTO	CRÉD. DEF.	OBRIGAS REC.	% EXECUCIÓN
A.G. 1	Servizos públicos básicos				
	13	Seguridade e mobilidade	2.084.136,04	895.452,74	42,97%
	15	Vivenda e urbanismo	1.475.308,85	748.361,45	50,73%
	16	Benestar comunitario	2.021.841,88	1.835.493,30	90,78%
	17	Medio ambiente	655.157,29	495.772,09	75,67%
A.G. 2	Actuacións de protección e promoción social		1.214.779,82	1.159.122,99	95,42%
A.G. 3	Producción de bens públicos de carácter				#DIV/0!

	preferente				
	31	Sanidade	17.100,00	13.022,55	76,16%
	32	Educación	460.874,24	453.324,41	98,36%
	33	Cultura	1.596.431,80	1.421.990,75	89,07%
	34	Deporte	892.907,54	736.712,47	82,51%
A.G. 4	Actuacións de carácter económico		970.614,25	664.129,79	68,42%
A.G. 9	Actuacións de carácter xeral		1.700.361,50	1.501.139,27	88,28%
TOTAIS			13.089.513,21	9.924.521,81	75,82%

O grao de execución é alto en xeral, rebaixando a media a execución dos investimentos reais que dado a súa elevada contía, na maior parte dos casos, requiren unha máis complexa tramitación e un maior estudo previo.

#### 5.- Análise da execución do orzamento de ingresos.

Do mesmo xeito que na execución dos gastos, reflíctese no seguinte cadro a execución dos ingresos:

CAPÍTULO	TEXTO	PREV. DEF.	DEREITOS REC NETOS	% DR s/ PD	RECADACIÓN	% I s/ DR
Capítulo 1	Impostos directos	3.389.729,00	3.301.502,11	97,40%	3.033.990,70	91,90%
Capítulo 2	Impostos indirectos	82.247,00	143.523,46	174,50%	108.069,37	75,30%
Capítulo 3	Taxas, prezos públicos e outros ingresos	2.258.798,00	2.432.526,39	107,69%	1.697.822,50	69,80%
Capítulo 4	Transferencias correntes	3.780.691,24	3.903.934,87	103,26%	3.903.934,87	100,00%
Capítulo 5	Ingresos patrimoniais	20.690,61	23.589,17	114,01%	23.589,17	100,00%
<b>TOTAL INGRESOS CORRENTES NON FINANCIEROS</b>		<b>9.532.155,85</b>	<b>9.805.076,00</b>	<b>102,86%</b>	<b>8.767.406,61</b>	<b>89,42%</b>
Capítulo 6	Alleamento de investimentos reais	0,00	0,00	0,00%	0,00	0,00%
Capítulo 7	Transferencias de capital	1.381.115,00	599.139,12	43,38%	599.139,12	100,00%
<b>TOTAL INGRESOS DE CAPITAL NON FINANCIEROS</b>		<b>1.381.115,00</b>	<b>599.139,12</b>	<b>43,38%</b>	<b>599.139,12</b>	<b>100,00%</b>
<b>TOTAL INGRESOS NON FINANCIEROS</b>		<b>10.913.270,85</b>	<b>10.404.215,12</b>	<b>95,34%</b>	<b>9.366.545,73</b>	<b>90,03%</b>
Capítulo 8	Activos financeiros	64.000,00	44.502,81	69,54%	41.156,35	92,48%
Capítulo 9	Pasivos financeiros	0,00	0,00	0,00%	0,00	0,00%
<b>TOTAL INGRSOS FINANCIEROS</b>		<b>64.000,00</b>	<b>44.502,81</b>	<b>69,54%</b>	<b>41.156,35</b>	<b>92,48%</b>
<b>TOTAL</b>		<b>10.977.270,85</b>	<b>10.448.717,93</b>	<b>95,19%</b>	<b>9.407.702,08</b>	<b>90,04%</b>

Obsérvase que as previsións iniciais quedaron axustadas aos ingresos, así coma un bo comportamento tanto dos ingresos efectivos coma dos dereitos recoñecidos. Chama a atención a escasa execución das transferencias de capital, procedente da ralentización do cobro das axudas, así coma da execución máis lenta dalgúns investimentos financiados.

## **6.- Análise das magnitudes económicas consecuencia da liquidación.**

### **i.- Resultado orzamentario do exercicio**

O resultado orzamentario se regula nos artigos 96 e 97 do RD 500/90 e nas regras 78 a 80 da ICAL.

O resultado orzamentario dun exercicio pode definirse coma a diferenza entre os dereitos liquidados e as obrigas recoñecidas, en termos netos e referidos ás operacións realizadas con cargo ó orzamento anual. Revela, polo tanto, en que medida os ingresos recoñecidos foron suficientes para financiar as obrigas recoñecidas durante o exercicio. Segundo a nova instrución de contabilidade para a Administración local, o resultado orzamentario se haberá de presentar nas seguintes agrupacións: operacións non financeiras (capítulos 1 a 7 do orzamento), activos financeiros (capítulo 8) e pasivos financeiros (capítulo 9).

Sobre esta diferenza é necesario facer unha serie de axustes, a fin de poder determinar con exactitude en que medida os ingresos do exercicio financian gastos correspondentes a ese mesmo exercicio. Non existe esta correspondencia cando existen desviacións de financiamento imputables ao exercicio (sexan positivas ou negativas) que responden ao devengo non acompañado dos dereitos e das obrigas financiadas con estes; tampouco se produce esta sincronización entre gastos e ingresos do mesmo exercicio nos casos nos que o remanente de tesourería foi utilizado para financiar operacións contablemente imputadas ao exercicio, dado que este non é un recurso corrente (non é obxecto de contabilización máis que coma mera modificación, para manter o equilibrio orzamentario). Por este motivo realízanse os seguintes axustes:

1. Réstanse as desviacións de financiamento imputables ao exercicio positivas, en tanto, poñen de manifesto un exceso de financiamento que financia obrigas recoñecidas en exercicios pechados ou en futuros.
2. Súmanse as desviacións de financiamento imputables ao exercicio negativas, en tanto, poñen de manifesto un déficit na financiación das obrigas recoñecidas no exercicio que se emendará en exercicios futuros ou que procede dunha desviación positiva dun exercicio pasado.
3. Incrementan o resultado orzamentario, as obrigas financiadas con remanente de tesourería para gastos xerais, xa que o recurso no se contabiliza como dereito recoñecido, pero si son obxecto de recoñecemento as obrigas.

O resultado orzamentario, con e sen axustes, é o seguinte:

RESULTADO ORZAMENTARIO	
Dereitos rec. netos	10.448.717,93
Obrigas rec. netas	9.924.521,81
RESULTADO ORZAMENTARIO	524.196,12
Antes de axustes	524.196,12
AXUSTES	
OR financiadas con RTªGX (+)	366.746,07
Desviacións imputables positivas (-)	-848.249,26
Desviacións imputables negativas (+)	1.038.766,20
Despois de axustes	1.081.459,13

O motivo deste resultado orzamentario positivo nunha contía importante, ven dado polo feito de que as obrigas recoñecidas netas con cargo aos dereitos do exercicio son moi inferiores, tendo en conta o axuste realizado, nas obrigas recoñecidas financiadas con remanente líquido de tesourería.

ii.- Remanentes de crédito.

De conformidade co sinalado no artigo 98 do RD 500/1990, de 20 de abril, os remanentes de crédito están constituídos polos saldos de créditos definitivos non afectados ao cumprimento de obrigas recoñecidas. Segundo os datos obtidos da liquidación, o total de créditos non gastados ascenden a 3.164.991,40 €). Como regra xeral, segundo o artigo 99 do devandito Real decreto os remanentes de crédito será obxecto de anulación co peche do exercicio, existindo unha serie de excepcións que permiten a súa incorporación ó exercicio seguinte.

iii.- Remanente de tesourería.

O remanente de tesourería regúlase no artigo 101 do RD 500/90 e nas regras 81 a 86 da ICAL.

O remanente de tesourería mide a situación de liquidez ou iliquidez do Concello, baixo a hipótese de cobrar a tódolos seus debedores e pagar a tódolos seus acredores a 31 de decembro do ano liquidado, co produto destes cobros e dos fondos líquidos. Polo tanto, a súa contía ven dada pola suma dos dereitos pendentes de cobro máis e os fondos líquidos, menos as obrigas pendentes de pago, todo a 31 de decembro do exercicio liquidado.

Para o cálculo dos **dereitos pendentes de cobro** se terá en conta tanto os procedentes do presente exercicio como de pechados, tanto por operacións orzamentarias coma extraorzamentarias (facenda, seguridade social, etc).

Igualmente, para o cálculo das **obrigas pendentes de pago**, haberase de ter en conta tanto ó pendente de pago procedente do exercicio corrente coma de pechados, así como as devolucións de ingresos indebidos pendentes, pendentes de pago procedentes de recursos doutros entes públicos; igualmente, computará a estes efectos a cantidade pendente de pago contabilizada na contabilidade extraorzamentaria.

Finalmente, para o cálculo do remanente de Tesourería total é necesario coñecer o importe dos fondos líquidos do Concello; este dato ven constituído pola suma dos saldos das contas que integran o subgrupo 57, obtendo como resultado a cantidade de 1.717.606,20 €.

Unha vez calculados os datos antes analizados, se pode saber cal é o remanente de tesourería total que no presente exercicio ascende a 3.626.869,48 €.

Segundo a nova instrución o remanente de tesourería dispoñible para o financiamento de gastos xerais, determinarase minorando o remanente de tesourería total no importe dos dereitos pendentes de cobro de difícil ou imposible recadación (conta 490) e o exceso de financiamento afectado producido (remanente de tesourería para gastos con financiamento afectado).

- a) Segundo o cálculo realizado pola Tesourería municipal seguindo as porcentaxes determinadas nas BEO, os dereitos de imposible ou difícil recadación ascenden a 669.438,88 €; segundo o artigo 193 bis do TRLFL:

Las Entidades Locales deberán informar al Ministerio de Hacienda y Administraciones Públicas y a su Pleno, u órgano equivalente, del resultado de la aplicación de los criterios determinantes de los derechos de difícil o imposible recaudación con los siguientes límites mínimos:

a) Los derechos pendientes de cobro liquidados dentro de los presupuestos de los dos ejercicios anteriores al que corresponde la liquidación, se minorarán, como mínimo, en un 25 por ciento.

b) Los derechos pendientes de cobro liquidados dentro de los presupuestos del ejercicio tercero anterior al que corresponde la liquidación, se minorarán, como mínimo, en un 50 por ciento.

c) Los derechos pendientes de cobro liquidados dentro de los presupuestos de los ejercicios cuarto a quinto anteriores al que corresponde la liquidación, se minorarán, como mínimo, en un 75 por ciento.

d) Los derechos pendientes de cobro liquidados dentro de los presupuestos de los restantes ejercicios anteriores al que corresponde la liquidación, se minorarán en un 100 por ciento.

#### Segundo a base 50ª de execución orzamentaria vixente:

A determinación dos dereitos de difícil ou imposible recadación, farase de acordo coa seguinte graduación:

- os dereitos de antigüidade superior a un ano e inferior a dous consideraranse de difícil recadación nun 40% do seu importe total.
- os dereitos de antigüidade superior a dous anos e inferior a tres consideraranse de difícil recadación nun 80% do seu importe total.
- os dereitos de antigüidade superior a tres anos consideraranse integramente de difícil recadación.

A provisión tal e coma se configura nas bases de execución é moito máis restrictiva que a

prevista legalmente.

- b) En canto ao remanente de tesourería para gastos con financiamento afectado cabe sinalar que ven dado pola suma das desviacións de financiamento acumuladas ao exercicio de carácter positivo; estas desviacións pódense definir coma a diferenza entre os ingresos afectados recoñecidos e o que se debería de ter recoñecido de terse respectado o coeficiente de financiamento (que é o produto das obrigas recoñecidas e o devandito coeficiente), desde o inicio do proxecto ata o 31 de decembro do exercicio liquidado. Estas desviacións son consecuencia da inexistente sincronización entre o recoñecemento dos gastos e dos ingresos afectados á realización deses gastos.

O remanente de tesourería para gastos con financiamento afectado non se pode destinar á financiamento de calquera gasto, se non unicamente á de aqueles vinculados ós proxectos de gasto con financiamento afectado dos que efectivamente derive cada unha das desviacións de financiamento con esta finalidade, deberase facer un seguimento e control do destino que se lle dea e da contía líquida existente en cada momento.

As desviacións de financiamento acumuladas positivas ascenden á cantidade de 133.375,10 €, tal e coma se indica no documento correspondente que se achega coa liquidación e que foi confeccionado e fiscalizado por esta Intervención.

Do anterior se deduce o seguinte remanente de tesourería:

FONDOS LÍQUIDOS	1.717.606,20
DEREITOS PENDENTES DE COBRO	2.104.286,45
OBRIGAS PENDENTES DE PAGO	195.023,17
REMANENTE DE TESOURERÍA TOTAL	3.626.869,48
SALDO DE DUDOSO COBRO	669.438,88
REM. Tª GASTOS FINANC. AFECTADA	133.375,10
REM. Tª GASTOS XERAIS	2.824.055,50

## **7.- Cumprimento do obxectivo da estabilidade orzamentaria.**

Achégase o informe esixido polo artigo 16.2 do Regulamento de desenvolvemento da lei de estabilidade orzamentaria, analizando os extremos esixidos pola Lei orgánica de estabilidade orzamentaria e de sostenibilidade financeira: cumprimento do obxectivo de estabilidade orzamentaria, regra de gasto e nivel de endebedamento.

Noia, 10 de febreiro de 2015.

A interventora

María López Docampo